

有定位而唐志云云圖復云云要亦所謂其神主位而非躡次之謂邪夫王者齊故本於璿璣不可不知而亦不易知也故今志以玉奕馬端臨為正而餘則傳疑以俟夫明於占步者

岱史第三卷形勝老

叙曰曷者形勝也考古今之誦說乎泰山者也夫自有天地以來形勝無如泰山故自有書契以來誦說形勝者亦無如泰山乃其始經見則虞與岱宗兩言有夫虞與九嶷皆

以方位言惟泰山不言方位而言岱不言嶷而言宗固謂夫出靈配乾萬物始代儲坤蟠且五嶷推宗其形勝甲於普天之下無兩也嗣是而詩稱魯禮稱充鎮爾雅稱東嶷則繫其一方所推重而極言耳他若子史百家

佛經道錄奕奕相屬岓句玄詞所謂天孫神房洞天福地與夫金床玉几之說最不可窮詰然古人於搜神紀異裨官野史亦所不廢也世即有善言形勝者或未能越此故舉凡見聞所及併編錄之以備參考迺其棄畧之

候迥異於下方里至之遙艱難於躋陟俱世所欲聞者宜不厭於鑿贅云

舜與曰岱宗 按五經通義云岱宗言王者易姓受命報功告成必於岱宗也東方萬物始交代之處宗長也言為群嶷之長

禹貢曰海岱維青州 又曰海岱及淮惟徐州 按書註云青州之域東北至海西南

距岱又云岱之陽濟東為徐岱之北濟東為青

魯續曰泰山巖巖魯邦所瞻 按說苑云山

蒼官也言宜氣生萬物也泰言高大之至也爾雅云右陵泰丘或云泰者太也謂天地之和之氣發舒於東方也

周禮職方曰河東曰兗州其鎮曰岱山 按鎮言其重也

爾雅曰河東岱 又曰泰山為東嶷 又曰

中有岱嶷與其五谷魚鹽生焉 按詩註云嶷言山之尊也東方主天地生氣以方位別五嶷是為天之東柱

公羊傳曰觸石而出膚寸而合不崇朝而雨 天下者惟泰山耳

漢官儀曰盤道屈曲而上凡五十餘盤經小天門大天門仰視天門如從穴中視天愈矣自下至古封禪處凡四十里山頂西巖為仙人石門東巖為介丘東南巖名日觀

日觀者雞一鳴時見日始欲出長三丈所
又東南名秦觀秦觀者望見長安吳觀者
望見會稽周觀者望見齊黃河去泰山二
百餘里於祠所瞻黃河如帶若在山趾山
南有廟悉種栢千株大者十五六圍相傳

云漢武所種小天門有秦時五大夫松見
在

後漢書曰光武封泰山雲氣成宮闕

道藏書曰泰山周迴一百六十里時五十步
方面各四十里

郭璞書曰泰山在奉高縣西北從山下至頂
四十八里一百步

山海經曰泰山環水出焉東流注於海

法苑珠林曰泰山之東有醴泉焉其形如井
本體皆石欲取飲者皆洗心跪而挹之則

泉出如流若或汚慢則泉縮焉蓋有神明
以宰之也

魯筆二堂記曰泰山之北水與齊之東南諸
水西北匯於黑水之灣又西北匯於栢崖
蘇東坡送楊傑詩序曰無為字嘗秦使登泰

山絕頂雞一鳴見日出
魏莊渠書曰泰山之上日觀峰者夜半可
以眺而見浴日彌望如鋪金著海也綠色
微茫中有若掣電者海島溪山相間也金
色漸淡日輪浮動水中如大王盤通海濱

望而見海日是矣登天台之巔曰華頂者
乃知此特小海耳諸山環列外乃為大海
泰山有日觀者觀日於未出也有月觀者
觀月於已沒也長安觀者西望秦間諸山
也越觀也者南望會稽諸山也衡山有七

十二峰亦有日觀月觀不及泰山者當
位也

依宗記曰梁父長白二山為泰山輔嶽
通志曰濟南諸山其北麓也兗州諸山其南
麓也青齊海上諸山其左翼也河東諸山

其右翼也斯其為泰山矣乎迺若山南則
有漢武遺栢天門則有五大夫松絕頂則
有秦無字碑懸崖則有唐開元銘斯則泰
山古蹟之最優者
茅君傳曰仙家凡三十六洞天泰山周迴三

十餘里名三官空洞之天
博聞錄曰泰山名蓬玄太空洞天嶽帝所居
其高四千丈環一千里

五嶽記曰東嶽泰山嶽神天齊王領仙官仙
女九萬人山周迴二千里在兗州奉符縣

福地記曰泰山洞天周迴三千里鬼神之府
列仙傳曰岱宗石室中上下懸絕其中金床
玉几

尸子曰泰山之中有神房阿閣
博物志曰泰山一曰天孫言為天帝之孫也
主召人魂魄東方萬物始成知人生命之
長短

道經曰五嶽之神分掌世界人物各有攸屬
岱泰山乃天帝之孫群靈之府主世界人
民官職生死貴賤等事

堪輿家曰泰山之麓水交流孔林獨茂蓋指
泮漆梳洗汶漸而言吾夫子之生也豈偶
然哉是故其終也曳杖之歌泰山自任公
姓振振世祿罔替則嶽靈之篤於孔氏者
其有窮乎

勝覽曰嘗以月衝雪登嶽至御帳雲烟模糊
至十八盤天字開霽俯矚山腰猶有雲霧
及下山大雪如故 冬春之交諸崖谷出
烟霧蒼蒼世尚可指數頃則變驟蒙覆盡
失山形少霽溪壑林木及樓閣磨牙凝結

冰花珠璣紛綴如畫 嘗於春時晨觀山
半雲布平密絢爛一色宛然倒着天字

四月以後山多蒸濕不可居 五六月亦
寒衣必綿卧必炕早暮如深秋遇夏時暴
雨山半風激雪湧雷聲電光皆出其下隱

約見灑地白波沉澗如海噴忽雲升巖巔
則上下皆雨 人飲諸崖水多瀉惟瑤池
白鶴水簾五花玉女數泉甘美元君祠東
崖一竅泉滴如珠晝夜出一斛許其味尤
佳

八一 十八

岱史第四卷山水表

叙曰易表于山水也表山水之附麗於岱嶽
者也夫岱嶽山也而兼以水言者何山下出
泉謂夫水之源也故言山必言水也今其山
之得名曰峰曰巖曰洞曰嶺曰崖曰臺曰門

曰峪曰寨曰園而莫非山也水之得名曰泉
曰池曰井曰溪曰河曰澗而莫非水也其他
曰橋曰坊曰題勒凡以表勝於山水也摠之
則皆岱嶽之勝也夫天下佳山水古今人類
能言之仁智所樂豈虛語哉維茲山水非可

以例言也上應天齊宗長祥徵日月之所避
隱雲雨之所官府帝王之所肇祀億兆之所
奔走品彙萬有之所蕃滋即一奉之石鍾靈
秀而毓化機一掬之泉潤濟汶而衍洙泗其
為功化豈不弘多弗啻雲縹風擊絕壁重標

峻閣千尋峭門萬仞飛瀉瀟瀟漾碧流虹五
色交輝四時俱備令人目不周玩情不給賞
惟斯之為勝而已爾余嘗為之評曰岱嶽山
水特以雅健勝匪以奇巧勝故稱絕勝云

八一 九

鳳凰山 在岳頂西南白
天柱峰 在岳頂西南
嶽頂石 在岳頂西南
象山 在鳳凰山之下

日觀峰 在岳頂東五里許
望海石 在日觀峰
石閭山 在州南五里

大懸石堆 岳頂西
介石山 在州南五十里

月觀峰 在岳頂西對日觀而言
小懸石 亦頂西與大懸石
仙橋石 在岳頂西

秦觀峰 在岳頂西
亭亭山 在州南五十里

梁父山 在州南一百里
周觀峰 在州南五十里

云云山 在梁父山之東
劍匣石 在大峪西

傲來山 在岳頂西
吳觀峰 在岳頂西

試劍石 在大峪口
青山 在岳頂東南

仙人石 在岳頂西
黃山 在岳頂西

此仙也